

摘藻堂四庫全書薈要

史部

欽定四庫全書薈要

史部

硃批諭旨卷二百十二下


詳校官編修臣繆晉

欽定四庫全書蒼要卷八千一百九十三

史部

硃批諭旨卷二百十二下

硃批許容奏摺

 雍正八年正月二十六日蘭州巡撫臣許容謹
奏為恭繳

硃批事竊臣家人捧齋臣先後奏摺回蘭臣謹跪迎進
署伏讀

硃批諭旨訓誨精詳開導明切臣惟有恪遵

聖訓以忠誠為根本以言行相符為箴砭總期無負我
皇上愛臣望臣至大至切之

深恩耳謹將奉到

硃批奏摺竝

硃批大學士等原議一摺一併繕摺恭繳伏惟

聖鑒謹

奏

朕雖愛汝望汝汝若不自策勵不自顧惜朕亦無可如

何確遵訓諭與否亦在汝自省自驗而已他人莫能為之力也

同日又

奏為奏明軍需事竊查西路軍需節經臣繕摺奏

聞今日下一切事宜俱已辦理將次齊全無誤其平涼糧車原議正月二十三日頭起起程嗣經

欽差大臣查弼納等以寧先勿後改於正月十三日頭起起程分為五起間日一發甘涼糧車大將軍臣

岳鍾琪惟恐中途擁擠俱改於二月初六日頭起
起程統在三月內齊全出口再寧夏西寧涼州三
府前經大將軍行令每府各採買羊四萬隻派撥
營員解送赤金湖因水凍草枯羊隻未能十分臚
壯內有寧夏鎮營員惟恐倒斃賠累不敢接收臣
於大將軍原議之外各府另派文職一員帶領雜
職一員協同營員解送并令採買加一餘羊以備
抵補一面知會大將軍一面咨商

欽差嗣准

欽差咨覆准行復令經過內地州縣支給料草飼餵保其臆力俱經飭令遵照在案復准辦理軍需尚書

臣馬會伯咨令停買羊隻照數估撥糧石

臣接准

來咨隨與查弼納等公同斟酌此項羊隻係大將軍估定進勦官兵口糧若改運糧石自內地運送大營尚易辦理但進勦之時大營有無此項富餘牲口可以馱載前往馬會伯曾否咨商大將軍咨

內竝未聲明恐有歧誤所關匪細一面仍飛令各該道府將前項羊隻仍照前檄辦理解送一面行令孔毓璞預備糧石轉運肅州寧使有餘毋令不足總期無誤軍需不致上廛

聖懷理合奏

聞謹

奏

殊不解汝具何面皮而為此奏也若非特差部臣前往

督理獨倚恃汝等陝甘大員辦集其事不知遲誤至如
何光景而汝等之身家性命亦不知作何結局矣事事
縈朕心曲迺云不致上廛聖懷亦可謂無恥之甚者也

雍正八年三月二十六日蘭州巡撫

臣許容謹

奏為恭繳

硃批事竊臣家人捧齋臣先後奏摺回署奉有

硃批臣敬謹跪讀臣庸碌無能辦理軍需未能妥協

致廛

聖懷

欽差大臣督率料理臣慚愧無地悚懼靡寧今幸尚書

臣查弼納等仰承

訓旨調度得宜所有糧車七千輛據布政使孔毓璞稟稱三月十九日已齊全起運出口其甘涼寧西肅等處餵養駝隻經提鎮道府公同挑選堪以馱運駝六千四百餘隻內三月出口駝三千九百七十四隻俱已解齊甘涼馱運赴肅四月出口駝二千四

百餘隻亦現在起發前赴甘涼裝運至採買羊一十二萬隻於加一餘羊之外又經查弼納等飭令甘涼西三府寬備餘羊以供挑選亦俱現在分起陸續解送再噶斯軍需應備馬匹張廷棟等已報採買齊全現在加意餵養至寧夏西寧應備噶斯官兵裹帶口糧以及沿途供支草束俱經飭令地方官備辦齊全所有現在軍需將次全竣緣由理合奏

聞謹將奉到

硃批奏摺繕摺恭繳謹

奏

庸碌無能且置勿言但愚昧寡識全不計利害輕重朕殊為汝憂之此番軍需朕代為挽將覆之轍回已頽之波救汝身家性命較自御史五年內擢至撫任之恩大矣亟當知之封疆大吏平時不能開誠布公令屬員咸皆感畏一遇地方有事斷不免叢脞之虞岐誤之失於

臨機應變之際又復畏難而不體國懷私而不奉公未有不累及身家性命者此理顯而易見無如庸碌愚昧之流懵焉莫覺目前雖幸免大譴捫心自問能無愧乎朕於檢選人員有犯尚必倍加懲處況如許容輩過蒙格外知遇之恩者耶嗣後當詳悉審度凡趨利遠害之私衷避重就輕之巧念切勿更萌惟須確秉公誠向對天無慚處踐履方可保終身安適也朕此諭乃汝畢生之

斷案試行看

同日又

奏為奏明事竊查雍正七年正月內固原地方拏獲妖言匪棍馬忠一案經大將軍岳鍾琪在總督任內提赴西安質審後拏獲馬忠妻女亦提往西安俱經臣

奏明在案嗣經岳鍾琪飭發西安藩臬兩司審明馬忠即馬建原在秦州錐鞋生理因家貧無計有秦州畫匠張拱辰教以造作紅旗一面上寫番字復

令秦州民人何居廣開寫所往地名向伊回教騙
取盤纏馬忠遂執旗沿途假稱官差稽查愚哄回
民無如回教人等毫無所贈遂至原任提督馬煥
家內捏造狂言希圖賺騙歷訊所供之劉文秉馬
六馬倉等均屬無辜被害且伊妻女供伊出門月
日情事歷歷有據畫匠張拱辰亦供無異詞督臣
岳鍾琪因開單之何居廣遠在秦州未曾到案誠
恐拖累無辜將一千人犯發令甘肅按察使李世

倬就近拘提何居廣質訊定擬經李世倬訊明與
西安所審相符而馬忠旋即病故將畫旗之張拱
辰擬徒開單之何居廣擬杖具文詳報經署督臣
查郎阿查係岳鍾琪

奏明交臣就近審擬之案批令呈解臣衙門核擬臣

隨提訊各犯再三研鞫供吐確鑿毫無疑竇臣查
馬忠貧而無賴詐稱官司差遣圖騙錢財情甚可
惡今已伏冥誅亦其板累多人之孽報不爽至張

拱辰何居廣應如司擬分別杖徒照例外結緣係
從前奏

聞之案理合將審明完結緣由繕摺

奏明謹

奏

此等要犯漫不經心至於瘦斃毫無引咎自責之辭而
混以伏冥誅三字率意奏聞若似乎以草草結案為幸
者類斯識見甚屬庸鄙何以克稱封疆之職耶

雍正八年四月初八日蘭州巡撫臣許容謹

奏為奏

聞事竊查甘屬之階州成縣西和一帶僻處深山地連巴蜀刁民抗欠錢糧歷年累積且有姦頑里甲頭人包攬侵蝕習為故常一經州縣催徵即布散謠言煽惑愚民迫令躲避一則挾官長以不得不緩其追比再則使百姓遠去便於捏開民欠無可對質更有劣衿從中把持此風相沿已久近來臣聞

西和成縣所管屯民內有遷往四川者有遷赴漢
中者臣因未得實情隨密檄秦州知州魯璵前往
兩縣密行查訪茲據魯璵稟稱到西和地方因自
康熙六十一年以來積欠甚多今該縣王宇樂意
在清釐振頓積習而包攬之頭人難以掩其侵蝕

於地方上不能化導刁頑致令有抗欠之舉非自愧責於是出其故智揚言知縣苛刻且假以糧載丁賦

乃復援引向時惡習以希免過殊屬未具而心思不額加重之說恐嚇逃匿等情臣查雍正五年署階

州牧陳舜裔因徵比錢糧即有衿棍登山聚眾之

知廉和為何物舉經前護撫鍾保

題叅現在審擬此種刁風漸不可長復飛諭魯璣密
令該縣先行出示將六十一年至雍正四年舊欠
暫行緩徵其五六七等年舊欠分限完納曉諭居
民令其安業並將已去之民勸諭招復一面密行
查拏倡造謠言之頭人嚴加究治以儆刁風復令
魯璣將成縣逃民確情逐一訪查俟料理停妥再
行具

奏為此合先奏

聞謹

奏

查郎阿亦經摺奏矣其嚴查確情以聞凡此皆由汝等
歷來精明強幹督撫能消患於未萌摘姦於未發之所
致顏面喪盡朕實代汝等不勝慙恧將此諭亦令查郎
阿知之

雍正八年五月二十一日蘭州巡撫

臣許容謹

奏為請

旨事竊惟寧夏富饒甲於甘省誠以渠流暢達尺土皆屬膏腴近者荷蒙

聖恩開濬惠農昌潤二渠添設新渠寶豐二縣金城沃野利用益充茲又奉

上諭命侍郎臣通智等估修

大清漢唐三渠仰見

睿照咸周

聖恩普被第_臣未得身至其地不敢懸定章程正擬繕
摺奏請

訓旨於七八月間赴寧閱看今通智史在甲等札商到
_臣以估修三渠必得地方各官公同辦理清釐積
弊禁遏刁頑然後大工可以次第舉行_臣思三渠
為寧民衣食之源今奉

恩旨動工修補俾邊郡黎元永享盈寧之慶_臣理應與
通智等協同料理以仰副

聖恩且七八月間軍需之銷算可竣秋禾之灌溉甫畢
正可乘時勘估伏祈

皇上允臣所請親至寧城一則與通智等公同查勘舊
渠斟酌分派地方各官使無推諉一則得以躬瞻
新渠之制度招徠戶口均霑浩蕩

天恩大約往返一月有奇所有應辦事件仍可隨在料
理不致貽誤為此謹

奏

渠工現有通智等董率其事但嚴飭屬員與之同心協力毋致掣肘推諉則已七八月間正值辦理軍需之際寧可舍此而就彼耶不知審度輕重徒以奔走為效力何其愚淺無識至於此極

雍正八年十月初十日蘭州巡撫

臣許容謹

奏為恭報甘屬收成分數仰慰

聖懷事竊查甘屬地方比年以來荷蒙

聖恩優渥黎庶富饒今歲更沐

恩膏疊沛蠲賑頻加是以民情之感戴歡欣雖僻壤鄉隅莫不謳歌而頌禱而

天心協應翊贊

皇猷甘雨應期惠風遐暢前據寧夏府之新渠縣詳報
雙歧瑞麥臣業經繕摺奏

聞茲據各屬具報收成分數前來統計八府三州及安靖二廳各所屬收成十分者居十之四九分者居十之五八分者居十之一夏秋兩禾咸登大有嗣

又據寧夏寶豐二縣呈齋瑞穀雙穗以至九穗者
各數十本到臣臣敬謹捧閱見夫金莖秀發莖莖
萃地利之豐腴玉粒堅圓粒粒受

天和之保合祇緣從前欽奉

諭旨是以未敢進

獻惟是新渠寶豐荷蒙

聖恩闢田濬渠授廩給種數百年紅柳黃沙今頓成花
村麥隴至於寧夏三渠又奉

恩綸不惜帑金大興修葺務使寧民獲享萬年美利是
以上乎

天意丕著竒祥瑞麥嘉禾疊呈並見從此豫大豐亨之象
已兆於經營創始之時萬姓歡呼歌聲四徹臣欣
際

昌期觀茲

上瑞惟有益加警勵敬迓

天庥以仰副

聖諭之諄諄耳所有甘省收成大稔緣由理合奏
聞為此謹

奏

甘屬收成分數覽奏已悉能翻然醒悟知愛身為害身
之道屏除利己私衷自蒙

上天鑒佑也

雍正八年十二月初二日蘭州巡撫臣許容謹
奏為奏

聞事竊查辦運駐歇一年官兵口糧十一月十六日以前共報運出口騾車五千六百三十五輛駝三千二百八隻共運送出口粟米二萬二千五百七十四石麵七十二萬六千五十觔業經繕摺奏

聞今據肅州道齊式又續報十一月十九二十一等日共起發出口車一千一百二十六輛共裝粟米四千四百七十六石炒麵三千六百四十觔運送塔爾納沁訖連前運送米麵合算共運送出口糧三

萬二千六百六十三石零據孔毓璞稟稱歲內可
運糧五萬石等語則所餘剩二萬石有零明春正
二月間自可運送全竣再甘省雇覓駝騾除前

奏挑選騾一千七百七十五頭駝四百五十六隻外
今又挑選八十一頭現在起運出口陝省雇覓之
騾除前

奏十一月十六日止挑選六百五十九頭外今又據
報挑選騾一千二百三十九頭亦現在起運出口

又據孔毓璞稟稱

欽差內閣學士班第於十一月二十日到肅一應需用
馬駝等物俱已辦齊於二十四日可以出口理合
一并奏

聞伏祈

皇上睿鑒謹

奏

覽奏知道了漢儒有言正其誼不謀其利明其道不計

其功然果能殫精悉力竭慶奉公不存一己利害私心
未有不蒙

上天神明之庇佑成全者也

雍正九年二月初二日蘭州巡撫臣許容謹

奏為恭繳

硃批奏摺事竊臣家人齋臣先後奏摺回蘭臣跪迎進
署敬謹開讀俱欽遵

硃批辦理外伏念臣本庸陋叨荷

殊恩值此軍需孔亟之時正臣子竭力圖報之日一切應行事宜敢不黽勉自勗以希寸效若稍存計較利害之私心以至瞻顧遲疑貽誤公事則獲罪於君父即獲罪於

上天國法冥誅均難逃避臣雖下愚屢蒙

天恩多方開導當益悚然覺悟夙夜靡寧以不負我

皇上始終成全之

德意所有奉到

硃批奏摺理合恭繳伏惟

睿鑒謹

奏

深刻褊淺之疵所當切戒不得屬員感服之心將何所
憑藉以辦集繁劇事務耶謹誌勿忘莫負朕之倚任

雍正九年三月初六日蘭州巡撫臣許容謹

奏為

聖訓指示恩深微臣感戴情切密摺恭

謝事雍正九年三月初二日接到大學士公馬爾賽等字寄雍正九年二月二十二日奉

上諭陝甘二省年來辦理軍需雖皆動用正項錢糧民間無絲毫之費然輸輓糧運伺候差徭不無勞苦已另降諭旨加恩獎勉但必得地方大吏能仰體朕心凡一應料理軍務固不可任其遷延遲緩而過於迫急未免擾民其查核錢糧固不可聽其浮冒開銷但過於苛刻則必致剝民督撫大員若嚴緊一分則州

縣官必於百姓加緊一倍如能寬容一分則小民即得一分之惠許容孔毓璞辦理西路軍需亦各盡心竭力但許容失之細刻州縣懼其核減恐不能照價付給則百姓不無虧折孔毓璞失之匆迫州縣懼其催促必不敢少緩須臾則閭閻未免驚擾此皆太過之弊也爾等可密寄信去凡承辦州縣或於原限之外遲緩無多而其人之才有可用者不妨畧寬容之其開銷物料脚運之費亦必準酌時價不可十分核

減但朕之此旨不可宣示於人恐有不肖之州縣借此推諉遷延虛開浮冒其漸不可長也許容孔毓璞但時將朕旨密記於心辨理諸務自無太過之弊欽此遵

旨寄信前來臣跪讀之下仰見我

皇上履懷民隱體恤官員

仁慈愷惻怙冒西土臣自蒙

簡任巡撫恒恐措置乖方辜負

聖恩敬繹

諭旨我

皇上之知臣實深於臣之自知而臣之得沐

造就者較之他臣為獨多臣鄙陋之質過於拘謹細刻

之失臣實有之而曾不自覺今蒙

皇上明白指示恍若夢醒自今以後當痛加改省總期
下無病於官民上有裨於軍

國以勉副我

皇上諄諄教訓之至意除奉到之日即刻鈔錄密寄孔
毓璞欽遵外理合繕摺恭謝

天恩為此謹

奏

務須勉力符合所奏而行諸凡當相機度勢因時制宜
地方有事與無事日不同胡可膠柱鼓瑟耶大都庸常
見識安閒則易於懈弛倥偬則過於嚴急竟成通病豈
不謬哉戒之

雍正九年六月十四日蘭州巡撫臣許容謹

奏為奏

聞事本年六月初五日臣聞副都統殷查納徵調青海
兵丁有到營無幾日即行逃去者因採買馬駝不
善辦理又因賞銀不肯隨時給發必俟兵馬調齊
然後支散伊等心懷怨望是以不得安帖初六日
聞柴達木沿臺一路賊夷頗有試用汪莖自營回
寧於三四臺中間被竊去銀一百八十兩經歷司

徐錫亦於三臺失去馬二匹又聞滕各里安設卡倫之噶蘭大查陵領兵五百名內有扎薩克諾爾布率領所屬三百餘人於五月二十八日晚搶奪馬匹敢行稱亂又侍衛席第等帶領額魯忒兵一百名亦於是夜作變等因臣以事出非常恐有未的正擬再行密差探聽初七日酉時接准都統德成提督馮允中將發兵緣由知會到臣臣查西寧發兵糧餉是急現在存寧米麵銀兩儘敷支用隨

即時飛飭布政使諾穆圖西寧道楊滙作速照例
供應竝飭署布政司事趙挺元再於軍需銀內動
撥五萬兩解交西寧備用初九日戌時聞五臺功
加蘇天友被賊夷砍傷又砍傷兵丁二名拏去兵
丁三名馬匹盡被搶去搶過五臺之後隨向六臺
適有都統格梅兒摺匣竝公文一角由六臺經過
押匣功加一名兵丁二名亦被褫去又聞二臺亦
有賊人數十名將客人所馱物件竝土司運送土

夫口糧俱被搶去等語又據諾穆圖楊匯稟報五

臺馬匹被搶四臺三臺皆在緊急新派前往柴達

木援勦之兵原議行糧裹帶一月茲因軍行急迫

復改裹帶十日其餘糧餉隨後雇脚趕運等情臣

復飛飭辦理撥兵護送俾無遲誤初十日復准德

成馮允中等以臺站搶殺夷性叵測恐聚衆侵犯

內地不可不預為防範令各提鎮將兵馬預備停

妥等因知會到臣復飛咨陝甘二提涼肅寧安

四鎮務期無誤外竊查河州逼處河曲直通西海
與外夷曾無藩籬之隔僅有一協額設兵丁除從
前調遣並各官親丁外現存不過六百餘名即新
設循化營額兵亦僅八百名地廣兵單誠為可慮
臣於初七日戌時即插羽飛飭河州知州顧爾昌
會同署河州協張興小心在意前於冬春之交屢
據顧爾昌稟稱河民甚有懼心人人願自為守而
關堡之間舊有馬戶箭手易於團練臣爾時以西

海譽端未兆毋庸紛擾抑不使行今因其勢而利
導之大可為用已將臣標舊有富餘烏鎗飭發二
百桿竝令該州勿罪民間所藏悉令輸官烙記及
一切器械隨其所便但為之董率練習扼險固圍
不拂民情不費

國帑於邊防甚有裨益再德成馮允中調遣蘭臨鞏
秦河州各營之兵接應西寧臣以河協未便抽減
其餘各營地不臨邊自宜調用亦飛咨德成馮允

中等斟酌行事現在蘭營存城之兵不滿二百又調赴西寧一百名城池倉庫不敷照管臣已嚴督本標弁兵分頭管攝并飛飭各屬凡防範地方務須同心協力勿但委之武職伏念臣至愚極陋實不知兵幸蒙

皇上教誨多方稍開闇昧竊以有事於外宜先固其內必內無可乘之隙而後外有可建之功當此之時臣惟有勤宣

德意和輯民人陰為防維陽示安靜固封守足軍儲統
率屬員同力共濟仰賴

皇上福庇俾小醜指顧就俘即大慙亦無難殄滅耳又
本月十一日聞柴達木大營蒙古兵丁亦有變動
所有現在情形竝防範事宜合即密摺奏

聞伏惟

睿鑒再臣從前奏摺皆差標員及家人恭齎到京騎騾
延緩往回須得五十餘日今事係緊要冒昧遣發

傳牌由驛齎送兵部轉呈

御覽嗣後除尋常奏摺外如有緊要事件可否由驛之處并祈

指示欽遵為此謹

奏

所奏係朕早知已辦之事汝不過得之傳聞尚未詳悉若將此為緊要欲請由驛馳奏朕如何批諭且理應上聞急務竝未曾降旨不令由驛齎呈也汝等大吏於一

二百二十二下
切防禦之策但當儘力綢繆不宜動容失色搖惑衆心
惟以安靜彈壓為貴識之勉之

雍正九年十一月十六日蘭州巡撫臣許容謹

奏為感激

天恩瀝誠奏覆事竊臣接到大學士張廷玉蔣廷錫字
寄雍正九年十月十五日奉

上諭朕覽許容摺奏運送米豆一事與查郎阿意見不
合許容之意竟似查郎阿有意與伊矛盾者朕令廷

臣詳查知查郎阿奏請冬天口外停運而以空閒之
贏安臺接運米豆此事尚未奉旨是以未曾知會許
容以致彼此辦理互異竝非有意與許容矛盾也朕
將許容奏摺刪截另寫發交廷議今廷議以已運過
涼之米仍照許容所奏聽州縣直運肅州其未過涼
州糧石已發脚價者暫停扣追俟將來運糧扣抵等
語朕已允行但思查郎阿居心忠厚志在急公必無
與同事之人有意矛盾之理皆許容疑心太重致生

此等猜嫌有失和衷之道不思軍需關係緊要必須
合志同心方於公務有益不負朕之委任爾等可密
傳諭與許容知之至於許容所奏查郎阿信用匪人
之處朕亦密諭查郎阿令其留心不言許容所陳也
欽此臣跪讀之下仰荷我

皇上矜全教誨感切肺腑不覺涕零伏念當此軍興之
際

宵旰何等焦勞而為臣子者苟不能合志同心分憂宣

力豈但獲罪於

聖主抑且獲罪於

上蒼

臣

具有人心愚不至此况查郎阿人甚忠厚臣所深

汝果

深知查郎阿則查郎阿亦必深知汝矣然非志同

知共事二年有餘素無嫌隙今伏承

道合

未易言相知之雅汝二人尚恐弗克臻此

明訓

臣當益勵和衷諸凡相商辦理務於公事有益不

負我

皇上委任之至意理合瀝誠

奏覆伏惟

睿鑒謹

奏

公不勝私安能和衷共濟人我之見未融胸懷小哉

雍正十年三月初九日蘭州巡撫臣許容謹

奏為奏

聞甘省現在情形仰慰

聖懷事竊臣接奉本年正月二十日內閣鈔出

上諭一道因京師未得雨雪畿輔及近京各省得雪亦

未普遍

聖心憂懼虔誠修省昭格

天心儆戒廷臣訓飭督撫

命內外大臣等實心奉行不必空言覆奏臣跪讀之下
仰見

皇上敬

天勤民兢兢業業之至意為臣工者猶不惶悚省愆殫心
籌畫殆非人類臣浹月以來彌益悚惕恐有違

聖訓於是復加訪察務為預防業經遵照部文就地籌畫備細咨覆戶部誠恐

廷臣彙奏未能詳載情形合再據實奏

聞查甘省八府三直隸州其河東四府二州慶陽階州等處並無河渠平涼臨洮鞏昌秦州雖山多川少而經渭洮河之旁間有水田民擅其利其河西四府一州不特寧夏河渠之利甲於天下無虞荒歉即甘州涼州西寧肅州各有山水渠流足資灌溉

不患全荒河東地方稍暖現俱播種河西地土較寒二三月間冰融之處俱各廣種其他積雪未消者遲至四五月播種始畢冬春各處雨雪多寡不等而地土皆不患乾燥即今甘涼西肅一帶日漸陽和土潤犁鋤展施其餘各處秋麥皆已吐青春麥皆已種植四月得雨河東之豐收可必五月得雨河西之全收可必目前尚不望雨甘省現在地土之情形如此再查甘省地方山坡草峪所在多

有民便牧放而沿邊一帶恒產而外尤以牧養牲
畜為事販賣烹割皆堪度日兼之軍需之際屢蒙
皇上天恩脚價草價俱已加增雖有貧窮之民或輓運
軍需或析薪刈草咸得自食其力以資朝夕是以
人人踴躍公私交濟甘省現在百姓之情形如此
再查甘省積貯常平倉米穀麥豆等糧共存有三
萬五千餘石社倉米穀麥豆等糧共存有一十六
萬七千餘石為數無多但查八府三州現貯歷年

徵存及各案採買米穀麥豆青稞等糧共存有七十一萬五千餘石雖係軍國之所需亦可以濟閭閻之緩急方今播種之際民間偶有缺乏籽種工本者臣或批令於社倉借給或社倉有限即批令於各項糧內借給統俟秋成照數還納於倉儲無虧於民生有濟伏惟

皇上怙冒西土

至誠感召必慶豐盈萬一二麥稍歉臣自當仰體

聖主懷保小民之心不拘何項倉糧均可因時隨地或減價平糶或按戶酌借必不致黎民之食甘省現在倉貯之情形如此臣欽遵

聖諭時刻修省務必實心奉行以副我

皇上諄諄訓誨之至意所有現在情形合再繕摺具

奏少舒

聖慮伏惟

睿鑒謹

奏

甘省現在各情形嘉悅覽焉果能有備無患朕顧慮邊
氓之念少釋矣

雍正十年八月十六日蘭州巡撫臣許容謹

奏為再奏地方情形仰慰

聖懷事竊照甘省今歲四五月間雨水偶缺屢煩

聖心後因閏五月內所屬州縣間有冰雹傷禾及麥豆

生蟲之處復降

諭旨令大學士寄信臣等多方撫恤悉心籌畫我
皇上軫念邊氓固已無微不至近更

特沛恩綸將民屯番族本年應納銀糧草束槩行蠲免
恩命自天歡聲匝地臣查甘省連歲收穫俱好今年分
數亦無大減目下麥豆已經登場糜穀正在收割
通計兩河收成雖蘭靖平三州縣稍覺歉薄而寧
夏可得八九十分其餘亦均有五六七分不等新
賦蠲除舊欠停比民力寬紓軍需爭辦臣自蘭赴

肅所過之處無論大小村莊不分男婦老幼莫不
焚香嵩呼共祝

萬年天子臣目擊感戴情切實為邊省慶幸合將地方
現在情形具摺奏

聞仰慰

聖懷謹

奏

覽奏甘屬收穫尚無大減民力亦不至拮据朕懷深為

欣慰

雍正十年十月十五日蘭州巡撫臣許容謹

奏為奏

聞事竊惟西陲有事深繫

宸衷特命大學士臣鄂爾泰來肅與署大將軍臣查郎

阿計議軍務臣等遵

旨齊集肅州不時相見大學士臣鄂爾泰敬體

聖心宣示

聖諭語語肫誠字字愷切臣等恭聆之下莫不心動神
悚其講論軍務以為賊甚橫肆必先嚴勦而後可
以論撫備極周詳切中機要即下更末弁聞之無
不踴躍鼓舞儼有立可滅賊之勢至大學士臣鄂
爾泰經濟學問遠過常人而自視時若不及望人
各皆上進謙抑和平形諸詞色此臣生平所罕見
此語不誣
罕聞者十月十一日路過蘭城臣又得與細談凡
一切軍需地方事務無不開誠指示臣自分愚魯

毫無寸長好惟視為則倣益加黽勉以仰報

聖恩於萬一耳為此繕摺謹

奏

鄂爾泰若不如是朕豈如是信任乎洵當則而倣之者
汝能實具服善之誠朕亦甚為嘉悅

雍正十一年正月初九日蘭州巡撫臣許容謹

奏為密奏事竊照副都御史暫署甘州提督印務二
格具奏請撥西鳳米麥倉斗三萬二千石運供本

年甘標兵丁口糧竝肅鎮應需粟米一例酌撥一條

廷議交署督臣劉於義署撫臣史貽直及臣會議辦

理自應俟會商明確再行

撥運

兵米一件係交汝等共商同辦之事須議妥會奏

時降

旨不便據汝一人之論即批諭當否

六萬京石臣原議運交平涼路途甚近史貽直尚

以民力維艱改議運送涇州則此三萬二千倉石

自不能遠涉二千四五百里直運甘州若再議接

運而甘省百姓現辦軍糧為數繁多亦實無暇兼顧且止就甘標而論核算腳價已需銀二十萬兩當此重兵在外糧餉煩重之時又不得不權量緩急況甘省提鎮羅列兵馬衆多凡屬折價俱有不敷已經加增者再為急急籌算未經加增者豈能免於希冀若總為核算又不知需費若何矣查春餉業已關領各營猶可支撐似應暫且照舊看夏收如何再為因時斟酌然當此用兵之際亦不可

不加意體恤或請

敕下該管各提鎮將大小營伍悉心料理凡營中所有

此奏

是候另旨飭查除各官親丁名糧俸薪而外不得絲毫乾沒其凡

有不干預兵丁之間費槩行禁絕無得濫用公帑
留有餘以補不足亦未始非接濟營伍之一端臣

身當重任非不知仰體

聖心愛惜兵丁但慮事宜加詳慎又不得不據實密陳
為此繕摺奏

聞伏惟

睿鑒謹

奏

覽

雍正十一年七月十一日蘭州巡撫臣許容謹

奏為

河神致祭已畢邊民受福無疆到處歡騰恭摺具奏
事雍正十一年四月十七日內閣奉

上諭年來陝甘二省地方仰賴

河源之神默垂護佑賜雨應時民人樂業朕心實深
感激理宜虔誠致祭以答

神貺所有應行祭祀之禮著該部速行查議具奏欽
此經禮部遵奉

諭旨查照典禮議覆

欽點內閣學士臣德新前往臣先後接准部咨所有應
備祭品專委臨洮道吳廷偉率同臨洮府知府李

綺河州知州汪元祐先期敬謹置備至六月三十

日

欽差到蘭臣以事務殷繁未敢偕往即著該道府跟隨

於七月初二日到河州至初五日抵循化營建廟

處所遵照擇定初六吉日黎明致祭訖隨據該道

府州暨河州協副將稟稱

欽差大人由蘭起程沿途百姓以及鄉勇番回人等感

激

聖恩執香跪迎先後接踵絡繹不斷彼時循化營一帶
地方半月未雨屬望正殷初五日

欽差大人甫入公館即陰雲四起甘霖普降歷未申酉
三時入土五寸羣歌霑足至夜半交次日初六子
時天氣晴朗

欽差大人必誠必敬黎明致祭等語臣迴環披閱仰見
我

皇上至誠感格捷於影響從此五風十雨歲歲豐登非

特民慶充盈抑且軍需有賴臣身當重任慶幸實
深感激彌切理合繕摺具

奏伏祈

睿鑒謹

奏

河源之神靈感昭著莫能思議當竭誠致敬可也

雍正十一年十一月十八日蘭州巡撫臣許容謹

奏為瑞雪盈疇恭摺奏

聞事竊照甘省地方仰賴

聖主福祐連年有收今年收成更稔公私兼濟官民胥
悅更喜入冬以來瑞雪頻降所屬八府三州先後
稟報自二三四五寸至七八寸尺餘不等處處皆
有大槩充足其多種冬麥之平慶鞏秦等府尤為
得力雖食指浩繁糧價貴賤不等而來歲又有豐
稔之象民情甚覺慰帖目擊現在情形實足仰慰
聖懷理合繕摺奏

聞謹

奏

所奏情形以手加額覽之西陲雨雪較之他省關係尤為緊要朕不勝代卿喜慶焉

雍正十二年三月初一日蘭州巡撫臣許容謹

奏為

聖恩逾分臣父感悚恭摺具奏事竊臣年前十一月十

六日接到河東督臣王士俊來札敬錄

皇上硃諭臣父自臣任所回家令督臣不時存問府縣
留心優待臣跪讀之下感激涕零當即繕摺

奏謝今於本年二月十九日接臣父手字內云自奉
恩旨之後督院存問頻至兼有餽遺司道府縣亦各送
喫食等物先後接踵公祖父母之優禮悉出

聖主之恩施宗族鄉黨爭為傳頌惟是
推恩錫類有加無已

賜封賜福兼

賜各種服食已極人世之顯榮復

命本省大僚存問優待更屬千古之

曠典八十二歲老朽無能仰報寢食靡寧夢寐不忘家

中僅有二三蠢僕各衙門遣使到日疎畧不周亦

滋惶愧前已具呈督院代奏謝

恩乃蒙

恩賞之外更有

溫綸不但感激情切抑且承受不起務將微誠代為陳

奏竝懇

聖恩敕停各衙門餽送稍安臣心等語臣迴環展視跼
踏難安伏念我

皇上禮遇微臣至優至渥

加恩臣父愈高愈厚臣只此赤誠仰邀

聖鑒即捐糜頂踵亦何能酬惟有事無鉅細殫竭心力
少盡職守於萬一耳所有臣父囑臣代

奏緣由不敢壅於上

聞理合繕摺具

奏伏惟

睿鑒謹

奏

據所奏光景觀之奉行者似覺太過高年之人未免喜
靜厭煩候另旨轉飭俾獲便安

雍正十二年九月十一日蘭州巡撫

臣許容謹

奏為奏

聞事據肅州道黃文煒詳據甘州府知府馮祖悅稟稱
雍正十二年七月二十八日學院按考甘州二十
九日聞高臺縣諸生具呈學院口稱高臺縣凌辱
斯文不願赴考等語卑府同張掖縣再三勸諭伊
等始進院考試等情查高臺縣地處邊末生監等
多有充當渠甲承領採買軍需糧草等項或該縣
急於催追以致諸生具控亦未可定理合詳請俟
該生考試完畢將原告生員摘提數名飭發職道

親訊確情如該縣果有苛虐情弊即行詳揭

題參倘係刁玩劣生因押追軍需採買等項妄行具

控亦請懲治以做刁風等情呈詳到臣臣查高臺

一邑民少差繁生監與齊民一體輪流充應里甲

凡交納錢糧承辦軍需不得不向伊等催督該縣

程元度不能設法催科以致若輩曉曉原難辭咎

然事屬因公且平日居官尚無劣蹟於一切軍需

地方頗知黽勉若因此叅處恐長刁風至該生等

即使果被凌辱亦應據實呈稟何得倚恃人衆藉
考挾持但始雖有不願考試之言旋即遵諭入場
首犯固難竟寬脅從不便概及業經批令該道根
查倡率起釁之人確訊究擬并准學臣王蘭生移
咨已將文生李鴻石中玉武生秦琮李亨泰行學
褫革發審在案除俟肅州道審明詳報至日酌量
完結外理合繕摺奏

聞伏惟

聖鑒謹

奏

前已有旨諭部此等刁風何可令其滋長自當確訊起
釁之由從重戒飭以為懲一儆百之道

雍正十三年正月二十九日蘭州巡撫臣許容謹
奏為請

旨事竊照署理甘肅提督劉世明縱兵為盜負

恩溺職欽奉

上諭交署督臣劉於義會臣審擬臣等接准部文俱即
欽遵知會在案近經劉於義以應在何處會審商
詢到臣思劉於義駐劄肅州料理出口軍需未
便他離臣雖亦有現辦軍需及地方案件尚可酌
量緩急稍為權宜且甘涼肅一帶地方臣又可借
此查看亦屬有益自應臣赴肅會同審擬具

題為此繕摺

奏請伏候

皇上訓示謹

奏

所請是劉世明辜恩背德情最可惡殊為國法之所難容會審之際其秉公嚴鞫絲毫毋得疎漏

雍正十三年三月二十六日蘭州巡撫臣許容謹

奏為奏

聞近日雨水情形事竊照今歲遇閏節氣稍遲春種麥豆俱在清明前後查河東四府兩州自二月二十

以後至今一月有餘陰雲時布膏澤頻施各屬報
得雨雪有三四五六七八寸不等冬麥發長春種
將畢惟平屬之固原廳州慶屬之環縣直隸秦州
階州及秦屬之秦安得雨止一二寸而固原環縣
北鄉一帶地土高阜望澤較急再河西各府州雨
雪不及河東而水田居多藉資渠流其傍山高崖
之旱地因缺雨雪播種維艱惟望旬日之內普降
甘霖未種者尚可及時趕種至現辦軍需河東即

日可竣河西正在停忙百姓盡力南畝糧價日就
減落理合繕摺奏

聞謹

奏

汝誠念切民依則自蒙

上天感應可望如期得雨也

雍正十三年閏四月初七日蘭州巡撫

臣許容謹

奏為奏

聞事竊臣自蘭赴肅歷河西涼甘肅各屬留心察看一切糧價錢價以及各項物價日就平減兵民安堵緣雨少風多山坡旱地望澤頗殷而平番縣城南及與平番接壤之碾伯西寧近日稟報尤為亢旱再河東各府州內前

奏缺雨之平屬固原廳州慶屬環縣直隸秦階二州及秦屬之秦安縣三月二十二三及二十五等日已報各得透雨至交四月以後北路平屬隆德以

東至慶陽府屬南路鞏昌以及秦階各府州大槩
雨水不缺田禾滋長茂盛惟北路平屬靜寧以西
及鞏屬會寧安定臨屬狄道河州蘭州金縣一帶
據署布政司楊應琚稟稱將近一月未雨土脈乾
燥禾苗發長維艱現在虔誠祈禱等語伏思時當
夏令正在喫緊幸今年遇閏節氣稍遲旬日之內
普降甘霖尚無妨礙所有現在情形理合奏

聞謹

奏

雨澤愆期蓋必有由省心體察刑政方可冀

天心轉移之效

雍正十三年五月初九日蘭州巡撫臣許容謹

奏為甘雨連降恭摺奏

聞事竊照蘭州附近州縣得雨情形臣於前月業經

奏報在案其前奏未據報到河東河西各屬水旱田地俱已得雨霑足再三十日戌時起至初一日酉

時止蘭州又得大雨一晝夜淋漓透徹初二三四
五等日亦復雷雨時作處處霑濡在地禾苗勃然
長發未種晚田皆已趕種雖夏收不能全豐而秋
成俱有可望至會寧固原環縣百姓正在陸續回
籍民氣舒暢地方寧帖理合繕摺具

奏伏惟

聖鑒謹

奏

覽奏河東河西所屬地方甘雨連降情形朕懷曷勝欣慰

雍正十三年六月二十六日蘭州巡撫臣許容謹

奏為據詳請

旨事竊照臨洮府丁憂知府李綺虧空軍需銀七千三百餘兩一案奉

諭旨確查情由據實陳奏臣隨即行令司道會同查訊嗣因李綺以抱病不能來蘭回覆迨臣因公赴肅

事竣回蘭據李綺之子李承震呈稱已在原籍湊

到銀三千兩并開出借幫各員具呈到

臣臣

又批

令作速檄調李綺詢明呈報去後今據署布政司

楊應琚按察司齊式臨兆道吳廷偉詳稱遵即會

調李綺到蘭訊據稟開綺於雍正八年在河西大

軍需案內製辦鞍屨修補糧車以及買換挑退騾

頭雇募夫役共賠墊銀三千七百餘兩又與原任

臨兆道李元分辦皮手套解送大營綺獨自賠墊

銀一千一百五十兩又雍正十年春間賑濟狄道
縣無業窮民捐銀四百五十餘兩又因洮河水發
衝壞河橋賠墊修補船隻銀八十餘兩又雍正十
二年春月因西安長運糧車多走僻路修理車道
用過銀一百八十兩以上共賠銀五千五百六十
兩至於幫借之說如原署金縣楊駒劉元藻汪炎
王者弼以及原任蘭州廳梁德隆俱屬辦理軍需
之際因公那借旋即離任又如署岷州丁祐吉從

前在蘭押運軍糧盤費短少亦有借項再原任四
川巡撫王景灝係綺舊日上司目擊其在蘭窮苦
亦有零星幫借再如湖北藩司李世倬雖有傳言
實無借項惟去年李世倬赴楚之後家眷起身力
量不及綺適在省著家人代雇騾數頭約用銀一
百兩李世倬並不知道今屢蒙駁詰如果實有其
事伊係現任藩司著追甚易綺豈肯不行開出以
抵那項反代李世倬捏飾之理以上除綺辦公賠

墊銀五千五百餘兩其借墊各項除去已還尚有
一千八百餘兩此綺虧空七千三百餘兩之原由
也查前各借項內如汪炎借用之三百兩王者弼
未還之二百七十兩丁祐吉未還之一百兩尚係
赴部另補及現任之員應請著追至代雇驛頭一
項李世倬實在不知無憑著追其餘如原任臨洮
道李元等俱係革職窮員猝難追還綺情願代賠
不敢久懸

帑項除今現交銀三千兩并應追銀六百七十兩外
尚不敷銀三千六百餘兩綺自計原籍田房數處
若准開抵儘足完補但綺羈身邊地呼應不靈仰
懇據情轉請勒限半年暫令綺回籍覓售一得賣
價仍親身解甘以清各款庶微末小臣不致曠稽
皇恩等情據詳到臣臣查李綺所開軍需賠墊及各員
借幫與臣訪查數目雖其中亦有不同之處而多
寡究不甚相遠惟李世倬一千六百兩止稱代為

雇覓騾頭用銀一百兩大相懸殊難以憑信復令
司道多方開導再四駁詰又經傳至臣署當面詢
問堅稱人言雖有實無其事惟求速為

奏請以便及時料理完補情詞甚是迫切難以再為
推求除將湊到銀三千兩飭司查收并將汪熒王
者弼丁祐吉各名下應追銀六百七十兩作速照
追外其餘未完銀三千六百餘兩應否如其所請
勒限半年准令回籍變補之處臣未敢冒昧具

題為此繕摺

奏請伏惟

皇上訓示謹


奏

李綺一事前旨甚明乃必令赴蘭到案殊屬膠執其所
虧銀兩既有田房堪抵但當速遣回籍折變完補亦何
須勒限逼促且汝於不關軍需庶務由塘報中附奏者
頗多獨將此奏差人齎呈以致耽延時日是何意見似

此襟懷狹隘豈具有包括封疆之量耶朕實代汝恥之



殊批諭旨卷二百二十二下



總校官庶吉士臣侍朝

校對官編修臣莫瞻菴

謄錄監生臣于世第